

ԿԻՒԿԻԱԶԱՅՈՒԹՅՈՒՆԸ ՅԵՂԱՍՊԱՆՈՒԹՅԱՆ ՆԱԽՕՐԵՒՆ

ՈՒ. Հ. ԴԱՍԱՊԱՆՅԱՆ

Անցնելով իշխանության գլուխ, երիտթուրքերը շատ շուտով հրաժարվեցին հազասարության, եղբայրության և ազատության կարգախոսներից, կազմակերպելով և իրականացնելով Կիլիկիայի հայության 1909 թ. կոտորածները: Դրանով «Միություն և առաջադիմություն» կոստակցության անդամները ցույց տվեցին իրենց ժառանգական կապը սուլթան Աբդուլ Համիդ II-ի քաղաքական 'ծրագրերի և գործելակերպի հետ: Կիլիկիահայությանն այնպիսի հարված հասցվեց, որից վերջինս փաստորեն չկարողացավ 'ուրիշ կանգնել: Երիտթուրքերի կողմից դաժան հետապնդման և հալածանքի էր ենթարկվում՝ ազգային յուրաքանչյուր ղրսւկորում: «Կոչնակ» շաբաթաթերթում 1912 թ. փետրվարի 10-ին տպագրված մի հոդվածի համաձայն՝ բռնապետության և զուլումի պայմաններում (քաջառությանը Հաճընի և Ջեյթունի) Կիլիկիայում հայերեն լեզուն փաստորեն ավերացել էր: Հոդվածագիրը նշում է, որ հայերեն խոսելու համար Այնթապում կտրել էին մի հայի լեզուն: «Անկե վերջ ո՞ր հալը կարող պիտի ըլլար հայերեն խոսիլ, մանականդ մեծ քաղաքներում մեջ, որոնք շրջապատված էին գազան դրացիներով: Միայն ժայռերում մեջ իրենց բույն շինող Ջեյթունցիներ և Հաճընցիներանց գավառաբարձրը կարող եղան պահել»¹: Կիլիկիայում կատարած ուսումնասիրություններից հետո դաշնակցական հայտնի գործիչ Ս. Զավարյանը իր կուսակցությանը հանձնած տեղեկագրում գրել է (խոսքը վերաբերում է 1904 թ.). «Ընդարձակ տարածություններու վրա-թրքախոս: Հայ աղավաղված բարբառը պահած են ունիացիք (զեյթունցիները—Ու. Գ.), հաճընցիք և քեսապցիք: Մաքուր հայերեն կը խոսի շատ տեղ նոր տերունդը միայն, դպրոցավարտ երիտասարդությունը»²: Արգելվում էր հայկական նոր դպրոցների փակումը, եղածներում աշխատանքի էին նշանակվում թուրք ուսուցիչներ, պարտադրվում էր թուրքերենը՝ որպես թուրքացնելու հիմնական գործոն: Ավելի էր ուժեղանում հալածանքը հայ եկեղեցու նկատմամբ: Սիվ դա պատահական չէր, քանզի օսմանյան կառավարությունը հայ եկեղեցիներ իրավամբ դիտում էր որպես հայության գոյապահպանության, հայ լեզվի, պատմության, կրոնի միջոցով հայեցի դաստիարակության և հայապահպանության կարևորագույն լծակ:

Խոսելով հետազմանադրական շրջանում արևմտահայերի նկատմամբ կիրառվող անօրինականությունների, կամայականությունների, տնտեսական, կրոնական, քաղաքական և ազգային ճնշման եղանակների մասին, Կ. Պոլսի հայոց պատրիարքը 1911 թ. փետրվարի 14-ին Բ. Դաւանը ու արդարադատության նախարարությանն 'ուղղված դիմումում ցավով նշում էր. «Սահմանադրական օրենքով ջնջված բռնապետական տուրքեր նորեն 'կը պահանջվին և ավելի հանդգնությամբ հայ կիներու և աղջիկներու պատիվն ու կրոնը կը բռնաբարվին, հանցապարտներու հանդիմությունն ու վառավարության համակերպությունն այն արտիճանի կը հասնի, որ օրորոցներ

¹ Կոչնակ, 10. 11. 1912.

² Մ. Վարդանյան, Հ. Յ. Դաշնակցության պատմություն, հ. Ա, Փարիզ, 1932, էջ 462.

նշանված ըլլալու պատրվակով... դատարանին առջևը կհանին հայ աղջիկ մը իսլամացնելու խնդիրը⁸:

Հրաժարվելով՝ երկիրը դեմոկրատացնելու, ազգային հալածանքը և խրտականությունը վերացնելու սին խոստումներից, իրենց դիրքերն իշխանություն բարձունքներում ամրապնդելուց հետո այլևս կարիք չունենալով հպատակ ժողովուրդների աջակցության, երիտթուրքերը մերկացրին իրենց փակական դեմքը՝ ծայրահեղ ազգայնական քաղաքականություն վարելով: Սկսվեց բռնությունների և խժոժությունների մի նոր շրջան, բացահայտ փոշ էին անում ընդհարումներ հրահրել և հարվածել հայերին: Կիլիկիայի Սահակ կաթողիկոսն այդ ժամանակ իսկ հիմքեր տններ գրելու, թե «հիմարություն է հավատալ տակավին, որ ներքին խռովություններու ատեն տարբեր տարրերու առաջին ջարդարարները անոնք (երիտթուրքերը—Ռ. Գ.) չպիտի լրվանա⁹:

Արդեն 1911 թ. հոկտեմբերին, սահմանադրության կեղծ գաղափարների հռչակումից երեք տարի անց, երիտթուրքերի՝ Սարնիկում կայացած համաժողովը որոշում ընդունեց Օսմանյան կայսրության հպատակ ազգերի և ազգությունների նկատմամբ կիրառվելիք քաղաքականության մասին. «Օսմանյան կայսրության բնութիւնը պետք է լինի մահմեդական. պետք է արտոնություններ ապահովվեն մահմեդական սովորությունների և հիմնարկների համար... Փոքրամասնությունները այնպիսի մեծություններ են, որոնց կարելի է հաշվի չառնել: Նրանք կարող են պահպանել իրենց կրոնը, բայց ոչ լեզուն: Թուրքերենի տարածումը լավագույն միջոց է մահմեդականների գերիշխանությունը համատեղելու և մյուս ազգերին ձուլելու համար¹⁰: Սա արդեն պանիսլամիզմի և պանթուրքիզմի գաղափարախոսության ուղղակի դրոսեորում էր. առաջին իսկ միտքը՝ «Օսմանյան կայսրության բնութիւնը պետք է լինի մահմեդական», նշանակում էր ոչ մահմեդական բոլոր ժողովուրդներին բնաջնջելու կոչ և ապագա գործողությունների ծրագիր էր հանդիսանում: Ավելի վաղ, 1910 թ. օգոստոսին կայացած՝ «Միություն և առաջադիմություն» կոմիտեի գաղտնի նիստում այս գաղափարներն առտահայտվել էին Թալեաթի ելույթում. «Սահմանադրության տրամադրություններով մահմեդականներու և քրիստոնյաներու միջև հավասարություն հաստատվեցավ, բայց... այս անիրականալի իտեալ մըն է: Շեքիաթը, մեր անցյալ ամբողջ պատմությունը և հարյուր հազարավոր մահմեդականներու զգացումները, և նոյնիսկ քրիստոնյաներուն, որոնք համառ կերպով վճռողիմանան օսմանցիության (այսինքն է թե՛ թուրքացման—Ռ. Գ.) ամեն փորձի, արգասի հավասարության մը հաստատումին դեմ անխորտակելի պատվար մը վը ներկայացնեն: Ուրեմն, հավասարության ոչ մեկ հարց կրնա ըլլալ, մինչև որ հաջողած ըլլանք կայսրությունը օսմանցիականացնելու (մյուս ազգերին բնաջնջելու կամ ձուլելու—Ռ. Գ.)՝ մեր գործին մեջ—երկար ու սպառնալի ճանապարհ մը, որուն մեջ, սակայն, կը համալրվիմ նախատեսելու, վերջապես պիտի հաջողվինք¹¹: Իսկ քիչ չնազըմը այսպես էր հիմնավորում իրենց նպատակը. «Մենք է միակ և վերջին կարելիություն, որի հետ կամա թե ակամա պարտավոր ենք հաշտվել և ընդունել թուրքական շահերին համապատասխանող միակ ելքը՝ բնաջնջել հայերին մեկ կայսրության մեջ», «ապացուցելով», որ տեղ կապահովվի թուրքիայի զարգացումը և զորացումը¹²:

⁸ Հայաստանի Հանրապետության Պատմության պետական կենտրոնական արխիվ (այսուհետև՝ ՀՀ ՊԱԿԱ, ֆ. 57, ց. 5, գ. 15, թ. 6:

⁹ Կիլիկիայի կսկիծներ. Վալերազրեր Կիլիկիո կաթողիկոսական դիվանեն, 1903—1915, Բեյրութ, 1927, էջ 100:

¹⁰ И. Бутаев, Проблемы Турции, Л., 1925, с. 114.

¹¹ Հուշամատյան Մեծ եղեռնի (1915—1965), Թիֆլիս, 1965, էջ 175:

¹² Զ. Ռ. Սիմոնյան, Թուրք-հայկական հարաբերությունների պատմությունից, Երևան, 1991, էջ 213—214:

Երիտթուրքական հեղաշրջմանը հաջորդած խառն ամիսները Շարլ Բաքսթոնը բնութագրել է որպես «զաղապարների փոթորկուն խմորման» ժամանակաշրջան⁸, երբ իշխանության զավթումից հետո Երիտթուրքները ձեռնարկում և բացահայտում էին իրենց հայացքները՝ որպես հետադիմական, բուրժուազգայնական զաղապարախոսություն: Դեռ 1908 թ. երիտթուրքները դավանում էին օսմանիզմի զաղապարախոսությանը, որը քարոզում էր օսմանյան բոլոր հպատակների իրավահավասարություն՝ անկախ կրոնական և ազգային պատկանելությունից: Ինչպես իրավացիորեն նկատել է Ա. Փափադյանը, Օսմանյան կայսրության ոչ մահմեդական ժողովուրդներին մեկ, «օսմանյան ազգության» մեջ միաձուլելը «իրականում զրկում էր ոչ թուրք ժողովուրդներին ազգային ինքնորոշման արդարացի իրավունքից»⁹: Ամերիկացի ուսումնասիրող Ռ. Դեյվիսոնը նշել է, որ օսմանիզմը «1908 թ. հեղափոխության համոզմունքն էր», բայց շուտով «Երիտթուրքների վարչակարգի ներքո այն սկսեց խամրել թուրքիզմի առջև»¹⁰: Օսմանիզմն իր դիրքերն աստիճանաբար զիջում էր համաթուրանականությանը, քանի որ «օսմանիզմը՝ կայսրության հանդեպ հավատարմությունն անկախ լեզվից, ազգությունից, կամ կրոնից, որը քարոզում էին հեղափոխականները և որին ոմանք հավատում էին, ամենամոթերիկ հնարավորությունն իսկ չի ունեցել դրան հասնելու»¹¹:

Հպատակ ժողովուրդներն ըմբռնում էին, որ օսմանիզմը, մեղմ ասած, տանում է դեպի ազգային մշակութի, բարքերի, կենցաղի վերացում, դեպի ձուլում՝ թուրքերի հետ: Միևսուրի, առաջինը մահմեդական ժողովուրդները (արաբները, ալբանացիները) հրաժարվեցին այդ կեղծ դրուժնեկրից և վերստին անդամագրվեցին թուրքական տիրապետության ճիրաններից ազատագրվելու: Համոզվելով, որ համախառնության զաղապարախոսությունն անկում է ապրում, քանզի նույնիսկ մահմեդական ժողովուրդներն ազգային անկախությունը գերադասում էին թուրքերի գերիշխանության ներքո համախառնական պետության ստեղծումից, պետություն, որը պետք է սուլթանի տիրակալության ներքո միավորեր բոլոր մահմեդականներին, երիտթուրքները 1910—1913 թթ., մասնավորապես՝ Բալկանյան պատերազմներում խայտառակ պարտություն կրելուց հետո, քաղաքական գործունեության ասպարեզ տվեցին համաթուրանականությանը, որի հիմքում ընկած էր բոլոր թյուրքալեզու ժողովուրդների միավորումը մեկ ազգի և պետության մեջ՝ թուրքերի գերիշխանությամբ: XIX դ. վերջին ձևավորվելով որպես թուրք ազգային բուրժուազիայի՝ զարափարաբանություն՝ այն դարձավ երիտթուրքների արտաքին՝ նվաճողական՝ և ներքին՝ ձուլման քաղաքականության հիմնաքարը: Համաթուրանականության ուղղմամբ զաղապարախոսությունը դառնում է երիտթուրքների արտաքին ու ներքին քաղաքականության հիմնական բովանդակությունը և ուղղությունը: Այս ուսմունքի ձայնափողն էր «Թյուրք յուրդու» (թուրքական հաջոները) ամսագիրը, որը միտում էր զաղապարապես հիմնավորել համաթուրանական պետության ստեղծումը: Սակայն այդ նպատակին հասնելու համար հարկ էր նախ իրականացնել թուրքիզմի պահանջները, այն է՝ ֆիզիկապես ոչնչացնել կամ միաձուլել ոչ թուրք, առաջին հերթին՝ քրիստոնյա ժողովուրդներին, յայդ ճանապարհով

⁸ Ch. R. Buxton. Turkey in Revolution, London—Leipzig, 1909, p. 110.

⁹ Հայերի ցեղասպանությունը ըստ Ադիսթուրքների դատախառնության փաստաթղթերի, առաջարկել, թարգմանությունը և ծանոթագրությունները Ա. Հ. Փափադյանի, Երևան, 1988, էջ 8:

¹⁰ R. H. Davison, The Modern Nations in Historical Perspective Turkey, New-Jersey, 1968, p. 111.

¹¹ M. S. Anderson, The Eastern Question 1774—1923. A Study in International Relations, London—New York, 1966, p. 276.

հասնել միատարր պետության ստեղծմանը, ապա ձեռնամուխ լինել համաթուրանականությանը: Անգլիացի պատմաբան Քր. Ուոքերը նշում է, որ այդ քաղաքականությունն անհնար էր կիրառել հայերի նկատմամբ, քանզի նրանք ունեին չեզոքի և կրոնի դարավոր ավանդույթներ և որոշակի ազգային ինքնուրույնություն¹²:

Վերահիշյալ գաղափարները երիտթուրքերի համար անմիջապես դարձան ծրագիր և գործողությունների հիմք: «Համաթուրանականությունը երիտթուրքերի փայփայած քաղաքական երազանքն էր», որի նպատակն էր «թուրքիայից դուրս, հիմնականում Ռուսաստանի տիրապետության ներքո գտնվող թուրքերի հետ միասնությունը», — գրել է թուրք կին. Վրոդ և հասարակական գործիչ Հալիդե էդիպը¹³:

Վերստին լայն ծավալ են ստանում տնտեսական, հասարակական, քաղաքական, կրոնական և մշակութային հալածանքներն ու խժոժությունները քրիստոնյաների, մասնավորապես հայերի նկատմամբ: Դա արտացոլվեց նաև Կիլիկիայում: Կյանքի, գույքի և արտավի անապահովությունը, ռազմաթիվ հայերի հարկադրեց լքել հայրենի երկիրը, ոտք դնել պանդխտության ուղին:

Կիլիկիայի 1909 թ. եղեռնագործությունից հետո ավելի քան 5000 հայեր արտագաղթել էին Բելրուսի¹⁴, մոտ 2000 ընտանիք ապաստան էր գտել Կիպրոսում, 1660-ը՝ Եգիպտոսում, բազմաթիվ մարդիկ փրկություն և ապահով կյանք էին որոնում Ամերիկայում¹⁵: Հաջորդ տարիներին ևս հարյուրավոր ու հազարավոր հայեր յթում էին հայրենի օջախները: Արտագաղթը բացասական լուրջ հետևանքներ ուներ. արհեստականորեն պակասում էր հայ բնակչության թիվը, դժվարանում սոցիալական ու ազգային անկախության համար մղվող պայքարը, հարված էր հասցվում ժողովրդի մարտական, դիմադրական ոգուն: Ամենայն հայոց կաթողիկոսը, մեծ տերություններին հղած նամակում խոսելով երիտթուրքերի հայակործան քաղաքականությունից ու Կիլիկիայի ջարդերի մասին, ներկայացնում էր նաև օսմանյան թուրքիայում բնակվող հայերի երիցս ծանր միճակը, նշելով. «Ու թեև դրանից հետո (Կիլիկիայի 1909 թ. ջարդերից հետո — Ռ. Գ.) վերջին շրջա տարին խմբակային մեծ ջարդեր տեղի չեն ունեցած, բայց իմ ժողովուրդն ապրում էր հնարավոր ջարդերի նշտական սարսափի տակ, սիստեմատիկ հալածանքը և մասնավոր ջարդերը շարունակվում են անվերջ...»¹⁶: Ուժեղացավ նաև մյուս ժողովուրդների ազգային ճնշումը՝ լիանին քրիստոնյա թե ոչ թուրք մահմեդական: Ռուս հետազոտող Ա. Նովիչևի լիպով արտահայտությունը՝ «առհաս զարգում նրանք (երիտթուրքերը — Ռ. Գ.) իրենա դուստր հոհն, որոնք ամենալիտի շովինիստներ՝ գերազանցելով նույնիսկ Աբդուլ Համիդին»¹⁷:

Դրությունն օրավուր ավելի տագնապալի էր դառնում: Ադանալի ռուսական ռազմական զորքերի 1912 թ. սեպտեմբերի 8-ին դեսպան Գիլդին հասցեագրած հաղորդագրության մեջ նշում է, որ անախին լայնատարր օրոք դրությունն այս նահանգում ավելի քիչ էր երկյուղ ներշնչում, քան այժմ, շնայած այն ժամանակ ևս Հայկական հողեր արտահարգ ստույգում էր գրված: Մեղադրելով երիտթուրքերին, փոխհյուպատոսը դեսպանի ուղադրություն է հրավիրում այն Կանգամանքի վրա, որ

¹² C. J. Walker, Armenia: The Survival of a Nation, London, 1980, p. 190.

¹³ H. Edib, Conflict of East and West in Turkey, Lahore, 1935, p. 101.

¹⁴ Գործ, 16. IV. 1909.

¹⁵ Երևանի Մ. Մաշտոցի անվան հին ձեռագրերի դիտահետազոտական ինստիտուտ (Մատենադարան), Իզմիրյան կաթողիկոսի արխիվ, թղթ. 14, վավ. 521.

¹⁶ ՀՀ ՊՊԿԱ, ֆ. 57, ց. 5, գ. 105, թ. 36.

¹⁷ А. Д. Новичев, Очерки экономики Турции до мировой войны, М., 1937, с. 38.

«Միություն և առաջադիմություն» կոմիտեն սահմանադրության սկզբունքները կիրառելու փոխադրեն «կարողացել է այստեղ ևս, ինչպես նաև մյուս նահանգների մեծ մասում, միայն մեծագույն անիշխանություն տարածել»։ Ապա, շարունակելով խոսքը քրիստոնյաների իրավական դրության մասին, Յիմսերմանը նկատում է. «Բավական է, որ մարդը քրիստոնյա լինի, որպեսզի նրա գոյությունը տաճարի տրվի դատարանում և որպեսզի նրան կախաղանի սրժանի համարեն ամեն անգամ, երբ հակառակ կողմը մահմեդական է»։ Իր հաղորդագրությունը նա ավարտում է իթթիհատին մեղադրող հարցով. «Ինչով բացատրել, որ մահմեդականները վերածվեցին այնքան մոլեռանդների, որ ընդունակ եղան իրականացնել ամենաբարբարոսական գործողությունները, որպիսիք գիտե միայն պատմությունը»։ Դա «Միություն և առաջադիմություն» կոմիտեի պատճառով էր, որը կարողացավ արթնացնել մահմեդականների արյունարբուն բնազդները¹⁸։

«Պրավդան» վկայում էր, որ «հայերին, սլավոններին, հույներին և հրեաներին թուրքացնելու փորձերը բոլորի ձգտումը ավելի համառ և քիպիտ բնույթ է կրում, քան Արդուլ Համիդի ժամանակ»¹⁹։

Նման պայմաններում, անհնար էր դիմանալ ազգային արժանապատվության ստորացմանը և յղաժան շահագործմանը, ժողովրդի կեղեքմանն ու նրա վզին փաթաթված անագորույն լծին։ Կիլիկիահայության շրջանում լայն ծավալ են ստանում ազգային-ազատագրական շարժումները։ 1908—1914 թթ. աշխուժանում է նաև հայ ազգային կուսակցությունների լգործունեությունը Կիլիկիայում, որի նպատակն օսմանյան տիրապետության դեմ ժողովրդի ազատագրական պայքարի կոչելն էր և թուրքական հալածանքի ու ազգակործան քաղաքականության դեմ միջոցների որոնումը՝ ինքնապաշտպանությունը։ 1908 թ. երիտթուրքական հեղաշրջումից հետո, օգտագործելով ժամանակավոր և կարճեցյալ ազատությունը, հայ ազգային կուսակցություններն իրենց կազմակերպությունները հիմնեցին Կիլիկիայի տարբեր քաղաքներում։ Այսպես, 1908 թ. գտնվելով Հաճընում, դաշնակցության հիմնադիրներից Սիմոն Զավադյանը ստեղծեց տեղական կազմակերպություն²⁰։

Կիլիկիայում մեծ հեղինակություն և ազդեցություն էր ձեռք բերել առցիակ-դեմոկրատական հնչակյան կուսակցությունը։ Դա պատահական չէր, քանզի 1890-ական թվականներից տկսած Կիլիկիայում ինքնապաշտպանական մարտերի կազմակերպումը կապվում է հնչակյանների գործունեության հետ։ Նրանց քաղաքական կշիռը Կիլիկիայում առավել աճեց մասնավորապես վերակազմյալ հնչակյան կուսակցության ստեղծումից հետո, որի անդամները միտում էին «Ազգայնական ուղղությամբ... նվիրվել ինքնապաշտպանության և ազգային ազատագրության գործին»²¹։ Դա, ինչ խոսք, թուրքական բռնակալության դաժան պայմաններում գոյատևման միակ հնարավորությունն էր հայ ժողովրդի համար։ Արդեն 1910—1914 թթ. վերակազմյալ հնչակյաններին հաջողվել էր կուսակցական տեղական կազմակերպությունների լայն ցանց ստեղծել Կիլիկիայում, որտեղ կուսակցության կենտրոնական վարչության ներկայացուցիչն էր Սմբատ Բաջանյանը²²։ 1908 թ. սկսած լայն գործունեություն էր ծավալել նաև հայ ազատագրական շարժման մեծ նվիրյալ, հաճընցի Համբարձում Բոյաջյանը (Մեծն Մուրադ),

¹⁸ Геноцид армян в Османской империи. Сборник материалов и документов под редакцией М. Г. Нерсисяна, Ереван, 1982, с. 231—232.

¹⁹ Правда, 27. VI. 1912.

²⁰ Յ. Պ. Պողոսյան, Հաճընի ընդհանուր պատմությունը, Լոս-Անջելես, 1942, էջ 493։

²¹ Գ. Բ. Վ. Գալուսյան, Մարաշ կամ Գերմանիկ և հիտու Զեյթուն, Նյու-Յորք, 1934, էջ 772։

²² Նույն տեղում, էջ 773։

որը Հաճընի տւ Սիսի բնակչության կողմից ընտրվել էր Գողան սանջակի Ժամանյան երեսփոխան²³։

Հարկ է նշել, որ մինչ սահմանադրության հռչակումը և դրանից որոշ ժամանակ անց հայ քաղաքական կուսակցությունները (բացառությամբ հրեա-չակյանների) բազմիցս հայտարարել էին խորհրդակցությունների և նրանց գաղա-փարների հետ իրենց համերաշխության մասին, գտնելով, որ անկախության և ազգային ազատագրության համար մղվող պայքարը պետք է ղաղարկե-նել, ժխտել «սահմանադրական թուրքիո հանդեպ... անջատողական ամեն մի գաղափար»²⁴, քանզի քրիստոնյաների և մահմեդականների քաղաքական իրավունքների նույնության և իրավահավասարության պայմաններում Օս-մանյան կայսրությունում բարենպաստ նախադրյալներ էին ստեղծվել նաև հայ ժողովրդի բարգավաճման համար։ Սակայն ժամանակի ընթացքում համոզվելով իթթիհատի ու թուրքական կառավարության հակահայկական քաղաքականության, ազգային ճնշման ու հալածանքի ուժեղացման մեջ, փոխեցին իրենց վերաբերմունքը խորհրդակցությունների նկատմամբ, վերադառնա-լով պատմականորեն ապացուցված միակ ճիշտ գործելակերպին, այն է՝ ազատագրական պայքարին։ Այսպես, 1913 թ. օգոստոսին տեղի ունեցած դաշնակցության VII համաժողովը որոշեց վերստին ձեռնամուխ լինել ազա-տագրական պայքարին, խզել հարաբերությունները խորհրդակցության հետ, հայ ժողովրդի փրկությանը որոնելով «նվրոպայի խոստացած իրական երաշ-խիքների մեջ»²⁵, նույն, 1913 թ. նոյեմբերին Ռումինիայի կոնստանցա քա-ղաքում կայացած հնչակյան կուսակցության VII համաժողովին իր որոշում-ներում ընդգծեց, որ իթթիհատը «մարմնավորում է թուրք հարձակողական նախադրյալի դմբ», ուստի պետք է հասնել նրա թրջացմանը, քայքայմանը և տապալմանը՝ այդ նպատակի համար համագործակցելով մյուս ազգերի քաղաքական ուժերի հետ²⁶։ Սակայն, փոխանակ հետամուտ լինելու ազգա-յին անկախության և պետականության վերականգնմանը, հնչակյանները, ինչպես նաև գաղնարկցականները, կողմ էին հայկական նահանգների ինք-նավարությանը՝ նվրոպայի վերահսկողությամբ²⁷։

Սահմանադրության հռչակումից հետո հայ հայդուկային խմբերը դա-դարեցրել էին իրենց գործունեությունն ինչպես Արևմտյան Հայաստանում, այնպես էլ Կիլիկիայում։ Սակայն, երբ վերջնականապես ցրվում է պատ-րանքը և երբ հայրտահարումներն ու կեղեքումներն ավելի վաղաք թնույթ են ընդունում, հայ ժողովուրդը կրկին տարերայնորեն դիմում է ինքնա-պաշտպանության՝ հայդուկային պայքարի ձևով։ Այսպես, 1911 թ. Տիգրան և Համբարձում Կեռվտերեյան եղբայրները, Հակոբ Պրզրդյանը և Ճին Թո-րոս Տարաբանյանը «հայրենասիրական զգացումներ մղված» բարձրա-նում են Կիլիկիո լեռները՝ պայքար մղելով ավարառուների և կողոպտիչների դեմ, հարձակումներ գործելով հայկական գյուղերը թալանելու ելած խու-ժուրի վրա։ 1913 թ. հունվարին, երբ այս փոքրիկ խումբը գտնվում էր Հա-ճընում, ևսորո մատնությանը պաշարվում է թուրք ոստիկանական և զին-վորական ուժերի կողմից։ Հայ քաղաքը երեք օր շարունակ հետ են մղում թուրքերի հարձակումները՝ նրանց պատճառելով զգալի կորուստներ։ Չոր-րորդ օրը հայդուկները հրդեհում են շենքը, որտեղ ապաստանել էին և, օգտը-

23 Յ. Պ. Պողոսյան, նշվ. աշխ., էջ 551։

24 Հիսնամյակ—1887—1937—սոց. դեմոկրատ. հնչակյան կուսակցության, Փրովիդենս, 1938, էջ 247։

25 Ա. Ս. Համբարձումյան, Հայ հասարակական-քաղաքական միտքը սերիալիզմի հայե-թիվի ազատագրության ուղիների մասին, Երևան, 1990, էջ 355։

26 Հիսնամյակ..., էջ 287։

27 Ա. Ս. Համբարձումյան, նշվ. աշխ., էջ 361։

վելով իրարանցումից, ծխի քողից ու կրակից, փորձում են ճեղքել թշնամու օղակը, բայց շորսն էլ սպանվում են փոխհրաձգության ժամանակ²⁸։

Աշխուժացավ նաև ազգային կուսակցությունների գործունեությունը Կիլիկիա հայրուկային խմբերի առաջման ուղղությամբ։ Պոլսից Ս. Պետերբուրգ ուղղված հաղորդագրության մեջ Թուրքիայում Ռուսաստանի դեսպան Գիրսը նշում էր, որ Եգիպտոսում չափազանց հայ հեղափոխականների մի խումբ մտադիր է անցնել Մերսին և «անկարգություններ» հրահրել այնտեղ, ուստի ինքը դիմել է Կ. Պոլսի հայոց պատրիարքին, որպեսզի վերջինս կանխի դրանք²⁹։ Անկասկած է, որ հայերը երբեք էլ չէին ցանկանում «անկարգություններ» հրահրել, այլ հետամտում էին պաշարի միջոցով պաշտպանել հայրենակիցների կյանքը, պատիվն ու կայքը։

1912—1913 թթ. Ադանայի նահանգում կրքերը վերստին բորբոքվել էին։ Դեսպան Գիրսի հաղորդագրության համաձայն՝ «որ օրի հասունացող ջարդերը կասեցվել էին գերմանական ռազմական միջամտության շնորհիվ³⁰։ Սա արդեն ոչ այլ ինչ էր, եթե ոչ հայերի ցեղասպանության ամսիցական և ատոտիճական նախապատրաստում։ Տեղական բնույթի ազգամիջյան հակամարտությունը պայմանավորված էր կառավարության քաղաքականությամբ, որն արդեն 1912—1913 թթ. տևած ուղղակիորեն, բացահայտորեն գնում էր դեպի իր քաղաքական նպատակներին, իրագործում։ Երիցս ծանր էր իրադրությունը՝ և Արևմտյան Հայաստանում։ Հրդրումում ռուսական հյուպատոս Ադամովը հայտնում էր, որ «քաղաքում գաղտնի ժողովները շարունակվում են ամենուրեք, բացահայտ տեսել են իս ոտել՝ հայկական կոտորածներին մասին... Ըստ լուրերի՝ ջարդի համար ամեն ինչ պատրաստ է և միայն մայրաքաղաքից ազդանշանի են ապաստում»³¹։

1912 թ. հոկտեմբերին դաշնակցության նախկին անդամներին, Ս. Դ. Հընչակյան կուսակցության մասնաճյուղերի և Սահմ. ռազմավարական ակումբների ստորագրության մեջ Եգիպտոսի հայկական գաղութին համատեղ հայտարարել է հղվում, որտեղ մանրամասն ներկայացված էր հայ ժողովրդի տառապալի կացությունը Օսմանյան կայսրությունում։ Հայտագրի մի մասը վերաբերում էր Կիլիկիային։ Որ 1910—1914 թթ. հայերի վիճակն օրավուր անտանելի էր դառնում, որ շարունակաբար բռնություններ, հարկադրանքի միջոցներ էին երբեքում հայերի, մասնավորապես՝ կիլիկիահայերի նկատմամբ, պարզորոշ երևում է հենց հայտագրից։ Չբավարարվելով Ադանայի ջարդերի նման ռազմական կոտորածներով, երիտթուրք առաջնորդները բորբոքում էին մահմեդական կրոնամոլությունը՝ թշնամանք և ատելություն սերմանելով հայերի հանդեպ։ Հայտագրի հեղինակներն իրավացիորեն նկատում են, որ «թուրք կառավարությունը... ամենախիստ միջոցներով կարծես խաղալ կուզե ժողովուրդին համբերատարությունը հետ և եթե երբեք վառավարական այս միջոցները շարունակեն իրենց սատկությունը վամ ավելի խստանան, թերևս ժողովուրդը իր վյանքի ու գոյության բաղդը պիտի ուզե փորձել իր գեներին ուժովը և այդ պարագային՝ մեր ազգային պաշտպանության քումիթեն (նկատի ունի Եգիպտոսում ստեղծված ինքնապաշտպանության կոմիտեն — Ռ. Գ.) իր նվիրական պարտքը պիտի սեպե ոչ միայն օժանդակել հարկադրված շարժումի մի մեջ մղված կռիվի մը, այլև առաջնորդել զիրենք իրենց ձերբազատումին գործին հաջողությամբ համար»³²։

28 Զ. Պ. Պոլսյան, նշվ. աշխ., էջ 585։

29 Архив внешней политики России (այսուհետև՝ АВПР), ф. Канцелярия МИД, г. 1913, оп. 470, л. 114, л. 163.

30 Նույն տեղում, թ. 109։

31 Նույն տեղում, թ. 251։

32 Մ. Ժիզմենյան, Պատմություն ամերիկահայ քաղաքական կուսակցության, 1890—1925, Ֆրեզնո, 1930, էջ 187։

Արյունոտ և դժխեմ ապագան ցույց տվեց, որ դա էր հայության փրկության միակ ելքը:

Սթափ զնահատելով Թուրքիայում տիրող իրավիճակը, հասկանալով դեպքերի զարգացման ընթացքը և, մասամբ էլ, կարծես կանխազգալով մոտեցող դաժան և ահալոր փորձությունը, ինքնապաշտպանության կոմիտեն հիմնադրում էր, որ «Թուրքիո պես վարչական և զինվորական փտություններով շաղախված և թալանի ու ջարդի մոլեռանդ բնազդներով տոգորված ափսոսանքով մը մեջ» հույժ հրատապ և կարեւոր է ինքնապաշտպանության կազմակերպումը, այն համարելով «անհետաձգելի ստիպողականություն» ունեցող գործ, քանզի «Թուրքիո միջավայրը ավելի քան երեք պաշարված է նորանոր ծանր բարդություններու ներքին և արտաքին վտանգներով և սպառնալիքով, որոնց ամենուն հակահարվածը կրելու դատապարտված է ապառնալիքներն, Հայաստանի և Կիլիկիո հայ բնակչությունը»⁸³: Մարգարեական խոսքեր՝ ծնված սթափ դատողությունից, քաղաքական երևույթների ճիշտ զնահատումից, որոնք ցավոք՝ մնացին օդում կախված, կյանքում լուծում չստանալով:

Կիլիկիայում ազգային-ազատագրական շարժման վերելքը, անտարակույս, կապված էր ոչ միայն Հայկական հարցի՝ միջազգային դիվանագիտության քննարկման, առարկա դառնալու, այլև Բալկանյան պատերազմներում Թուրքիայի կրկնակի պարտության և, միջազգային առումով, նրա քաղաքական կշռի ու հեղինակության անկման հետ, որից էլ ցանկանում էին օգտվել կիլիկիահայերը: Իսկ դա ամեն բերկրուղ էր պատճառում Թուրքիային: Վերջինս տագնապում էր, թե իր ասիական վիճակները կկորցնի այնպես, ինչպես եվրոպականը: Կիլիկիահայության շրջանում բողոքի հուժկու ալիք և ընդվզում առաջացրեց օսմանյան կառավարության կողմից Կիլիկիա գաղթեցվող մոտ 150.000 մահմեդականների հաստատվելը իրենց երկրամասում: Դրանք «հենց նոր լքել էին իրենց օջախները Բալկանյան աղետալի պատերազմի հետևանքով: Նրանց առաջին քարավանները սկսել էին տեղ հասնելը»⁸⁴: Այս մուհաջիրների՝ գաղթական մահմեդականների, Կիլիկիա գալը նշանակում էր ոչ միայն բազմաշարժար հայ գյուղացու հողի բռնագրավում, այլև խախտվում էր Կիլիկիայի բնակչության ժողովրդագրական պատկերը, երբ խիստ և արհեստականորեն իջնում էր հայ ազգաբնակչության թիվը՝ դրանից բխող բոլոր հետևանքներով: Այս համագամանքն էլ էր հայ որոշ ուժերի ստիպում զենքի դիմել:

Փատտերը վկայում են, որ այլևս չհանդուրժելով թուրքական արյունոտ տիրապետությունը և դժնդակ շահագործումը, երկյուղելով նոր ջարդերից, ինչպես նաև՝ ռզկորված 1912—1914 թթ. Հայկական հարցի վերաբացմամբ, տոգորված ազատագրական լզադափառներով, Կիլիկիայի հայերը նախապատրաստվում էին հարկ եղած դեպքում դիմելու համընդհանուր ինքնապաշտպանության: Նախապատրաստական աշխատանքները կազմակերպելու համար հայերն անհրաժեշտ էին համարում այդ ժամանկ ԱՄՆ-ում գտնվող, Ադանայի հայոց հոգևոր առաջնորդ Մուշեղ եպիսկոպոսի ներկայությամբ: Ինչպես կարծում էր Միհրան Տամատյանը՝ «Երկրին մեջ իր ներկայությունը հրաշագործ ազդեցություն կը գործե, ինք, օրինակի համար, եթե Հաճըն գտնվի Զեյթունի ապստամբության վայրկյանին, շարժումը ամենայն դիտարկմամբ այն տեղին արժալի կոմտա ու կր ծավալի ամեն կողմ»⁸⁵: Ուստի, հարկ եղած դեպքում Կիլիկիա անցնելու համար Մուշեղ սրբազանը ԱՄՆ-ից մեկնում է Եգիպտոս:

⁸³ Նույն տեղում, էջ 187—188:

⁸⁴ La Question Arménienne et les Solutions Qu'elle Comporte, Un Projet d'Autonomie Arménienne de la Cilicie, n. p., 1913, p. 16.

⁸⁵ Մ. Ճիզմեճյան, նշվ. աշխ., էջ 188:

Հայ քաղաքական ուժերը սերտ կապեր են հաստատում Հունաստանի կառավարության հետ: Վերջինս խոստանում է զենք և զինամթերք տրամադրել հայերին, աջակցել հնարավորության շրջանակներում: Եվ իրոք, Բալկանյան պատերազմների ժամանակ հունական կառավարությունը պաշտոնապես աջակցում էր արևմտահայությանը (մասնավորապես՝ կիլիկիահայությանը), որին համարում էր իր լեռնական դաշնակիցը Թուրքիայի դեմ մղվող և մղվելիք պայքարում: Պետական մակարդակով աջակցությունն առավել շոշափելի դարձավ Վենիզելոս էրեֆտերիոսի վարչապետության տարիներին (1910—1915), երբ հունական կառավարությունը Թուրքական բռնակալության դեմ մղվող պայքարում հետևողականորեն հանդես էր դալիս հույն-հայկական համագործակցության օգտին: Առանձնապես սերտ հարաբերություններ էին հաստատվել ազատագրական շարժման կիլիկիահայ գործիչների հետ: Հայտնի է, որ 1913 թ. աշնանը Հունաստանից 3000 լիպակոզ զենք է առաքվել Զեյթուն³⁶:

Ինքնապաշտպանություն կազմակերպելու և ղեկավարելու նպատակով Կիլիկիա է անցնում Միհրան Տամատյանը: Ինչպես նկատել է Մ. Ճիղմեճյանը, «Դժբաղդաբար, նահանգային վարչության հավաստի տաքած տեղեկությունները՝ դրված թե՛ Մուշեղ եպիսկոպոսին, և թե՛ տեղվույն Կիլիկիայի հայտնի գործիչներու կողմեն, կը համոզեն, որ Կիլիկիա ժողովուրդը պատրաստ չէ ապստամբության մը բռնկմանը ունեցող ինքնապաշտպանության և տեղվույն ազգային իշխանությունները համակիր չեն ախպիսի շարժումի մը»³⁷: Կիլիկիահայությունը ապահովված չէր ոչ միայն զենքով և զինամթերքով, որ պարբերաբար բռնագրավվում էին կառավարության կողմից, այլև մեծավ մասամբ բացակայում էր խարտական ոգին, իսկ հայ հասարակական, քաղաքական և հոգևոր ուղղ առաջանորդները նման շարժումներն անիմաստ էին համարում, քանզի այն թյուր և տխուր մտայնություն էր տիրում, որ դա բռնությունների նոր դուռ կբանա: Մ. Տամատյանը հարկադրված հեռանում է Կիլիկիայից³⁸:

1912 թ. առնանք, օգտագործելով երիտթուրքերի նկատմամբ Թուրքիայի ազգաբնակչության դժգոհությունը, իշխանության գլուխ անցավ «Հուն-թիեթ վե իթիլաֆ» («Ազատություն և համաձայնություն») Վուսահյույնությունը: Շահագործվող և իրավազուրկ ժողովուրդները հույսեր էին փայփայում, թե վերջապես իրական երաշխիքներ կստեղծվեն ազատության և հավասարության համար, սակայն իթիլաֆը իր քաղաքականությունը շուտով ապացուցեց, որ երիտթուրքերի նման թուրք ազգային թուրքազիայի և ռազմավարական տիրապետության վերնախավի շահերի և տրամադրությունների արտահայտիչն է, և վարում է դրանց համապատասխան արտաքին և ներքին քաղաքականություն:

1913 թ. հունվարի 10-ին իրականացված հեղաշրջմամբ կրկին իշխանության գլուխ են անցնում երիտթուրքերը: Նրանց հայահալած քաղաքականության և նոր ջարդերի աճին զուգահեռ ավելի յայն ծավալ էր նստանում Եգիպտոսից, Կիպրոսից, Հունաստանից հայ ֆիդայիներին, զինյալ խմբերի մուտքը Կիլիկիա՝ ժողովուրդին պաշտպանելու և աղետներից փրկելու նպատ-

³⁶ Армянский вопрос (энциклопедия), Ереван, 1991, с. 153.

³⁷ Մ. Ճիղմեճյան, նշվ. աշխ., էջ 189:

³⁸ Մ. Տամատյանը (1863—1945) հայ հասարակական-քաղաքական, ազատագրական շարժման նշանավոր գործիչներից է: 1890 թ. մասնակցել է Գում-Գարուի ցույցին, ապա, 1891—1893 թթ. Սասունում ապստամբության է նախապատրաստել լեռնականներին, ձերբակալվել է, մեկ տարի անցկացրել բանտում, ձեռնալուծ Ս.Դ. Հնչակյան կուսակցությունից, դարձել է Սահմ. ռամկավար կուսակցության հիմնադիրներից և ղեկավարներից մեկը: 1912 թ. որպես կիլիկիահայության լիազոր ներկայացուցիչ, ընդգրկվել է Պողոս Նուբար փառալի ղեկավարած Ազգային պատվիրակության կազմում: Ամենի ուշ, 1919—1921 թթ., կրկին դուրս է եկել Կիլիկիայում:

տակով, Գիրսը մարտի 17-ի (30-ի) հաղորդագրության մեջ նշում է, որ ևս մեկ խումբ պատրաստվում է Եգիպտոսից Մերսինի վրայով անցնել Կիլիկիա³⁹։

Պատահական չէր գինված խմբերի առաքումը Կիլիկիա կամ տեղում կազմակերպումը, քանզի այստեղ նոր ջարդերի իրական սպառնալիք էր առաջացել, իսկ արդ մասին Բ. Դուանն ու ներքին գործերի նախարարությանը Կ. Պոլսի հայոց պատրիարքի ուղղած բազմաթիվ դիմումները մնում էին անապատասխան և անհետևանք։ 1913 թ. սկզբներին պայթյունավտանգ իրադրություն էր տիրում Հաճընում, որտեղ ոստիկանությունը, «դասալիքներ» փնտրելու պատրվակով, ներխուժում էր հայերի տները, անարգել կողոպտում ունեցվածքը, ձերբակալում անմեղ մարդկանց, նման րեպրեսիաներ մեկը հուզեց քաղաքի ողջ հայությանը։ Այլևս չդիմանալով միտումնավոր իրականացվող և ազգային արժանապատվությունը ոտնաճարող ստորացումներին, մահակներով գինված հայ կանայք փախուստի են մատնում թուրք ոստիկանների մի խմբի։ Առիթներ որոնող «կառավարությունը փոխանակ պատժելու իր ոստիկաններին, որոնք հուզումներ են առաջացնում, դրանք որակում է որպես ապստամբություն և կրկնապատկում պատժի միջոցները հայերի նկատմամբ»⁴⁰։ Անկասկած է, որ թուրքերը ցանկանում էին ընդհատումներ հրահրել, նախահարձակ եղող կողմ ներկայացնել հայերին և ձեռնամուխ լինել 1909 թ. «կիսատ թողածի» շարունակությանը։

Ապրիլի 23-ին (մայիսի 6) Գիրսը հաղորդում է, որ Կիլիկիայում հասունացող և լուրջ առ լուրջ ժայթքման ապստամբություն լի կոտորածներն այս անգամ ևս կանխվել են զերմանական ռազմաօդային միջամտության շնորհիվ⁴¹։ Մերսինից ալեքսանդրի Կիլիկիայի Սահակ կաթողիկոսին, զերմանական ռազմաօդային հրամանատարը նրան վտահանցրել էր, որ քանի դեռ գերմանացիները հեթ փոքր ազդեցություն ունենան Թուրքիայի վրա, կբացառվեն այնպիսի զանգվածային ջարդերը, ինչպիսիք լինում էին Արդու Համիդի կառավարման տարիներին⁴²։

Դնչպես տեսնում ենք, երիտթուրքերի ազգայնամոլ ծրագիրը գործողության մեջ էր, իրադրությունը սրվում էր անհայտ հետևանքներով, նույնպիսի իրավիճակ էր տիրում նաև Արևմտյան Հայաստանում, որտեղ, ինչպես արդեն նշել ենք, ամեն ինչ պատրաստ էր ջարդերի համար և միտքն մայրաքաղաքից հրամանի էին սպասում։ Եվ այս լամենը դեռ 1913 թվականին...

Կիլիկիայում ստեղծված բարդ կացությունն իր վրա բեռեց հայ հասարակայնության, ազգային գործիչների տաճնապահույց ուղարկությունը։ Երկուշաբթի, որ զինյալ խմբերի՝ ինքնապաշտպանության նպատակով Կիլիկիա հատատակվել կարող է «արդի ճգնաժամային լուրերներն մեջ» հրահրել թուրքերու մոլեռանդ զգացումները և աշխատելով «ի Կիլիկիա պատահական աղետի մը գրգիռը շրջալիս», համաձայն Ամենայն հայոց կաթողիկոսի կարգադրության, Կ. Պոլսի հայոց պատրիարք վ. Արշարունին թափափելու էր աղետի մը Եգիպտոս և Կիլիկիա, որպեսզի «հանդարտեցնուի հորդորներու հետ Ազգային իշխանության կամքը պարտադրելով զգուշացնեն ազգը նոր արհաւիրքի մը մատնելու»⁴³։ Սա ևս, անշուշտ, իր ազդեցությունն է ունեցել Մ. Տամատյանի և ազատագրական շարժման այլ դործիչների՝ Կիլիկիայից հեռանալու վրա, որի հետևանքով նոր-նոր սաղմնավորվող ինքնապաշտպանության գործը մահանում է հենց խանձարուրտմ,

³⁹ АВПР, ф. Канцелярия МИД, оп. 470, д. 332, л. 281.

⁴⁰ La Question..., p. 18.

⁴¹ АВПР, ф. Канцелярия МИД, оп. 470, д. 332, л. 251.

⁴² Германские источники о геноциде армян. Сборник документов и материалов. Под редакцией профессора С. С. Степаняна, т. 1, Ереван, 1991, с. 268.

⁴³ Մատենադարան, Գրուտ մարիսկոպոս Տեր-Ղազարյանի արխիվ, ց. 32, թոթ. 3, վավ. 100, էջ 1:

Մեծ եղեռնի դեմ ժողովրդին թողնելով անզեն և անպաշտպան: Սա հարված էր նաև ողջ հայության ազատագրական պայքարին ընդհանրապես: 1912—1914 թթ., Հայկական հարցի վերաբացման պայմաններում, կիլիկիահայերը պայքարի միջոցով ցանկանում էին Եվրոպայի ուշադրությունը բևեռել նաև իրենց վրա, որպեսզի հայկական վիլայեթներում նախատեսվող բարեփոխումները տարածվեն հայաբնակ այլ շրջաններում ևս: Եվ հետո, ինչպես արդեն նշել ենք, խորապես սխալ է և քննադատության չի դիմանում այն տեսակետը, որ թուրք խուժանի ատելությունը չգրգռելու և նրան գործելու թեկուզ պատրվակ չտալու համար հարկ էր դադարեցնել զինված խմբերի առաքումը Կիլիկիա, քանզի ամեն ինչ վաղօրոք մտածված և նախապատրաստված էր թուրք ջարդարարների կողմից: Դաև հայդուկային խմբերի ցրումը նշանակում էր ժողովրդից խլել նրա գոյությունը, ինքնապաշտպանության համամարդկային իրավունքը: Պատմությունն ապացուցեց, որ ճիշտը ժողովրդի զինումն էր, զինված խմբերի ստեղծումը և տարածումը հայաբնակ բոլոր վայրերում, որ ճիշտը համառ ու ամենօրյա գաղափարական և քաղաքական աշխատանքների միջոցով ժողովրդին պայքարի նախապատրաստելն էր: Իսկ հայ եկեղեցական իշխանությունների այդօրինակ զործեղակերպին հակառակ՝ իրադրությունն օր օրի ավելի սուր և լարված բնույթ էր ընդունում:

Ադանայի թուրքական թերթերը կրոնամոլ և մոլեռանդ մահմեդականներին հայերի նկատմամբ գրգռելու կամպանիա էին սանձազերծել: 1913 թ. ապրիլի 29-ին մեծ լիբերալ Մահմուդ Շեքերին Կ. Պոլսի հայոց պատրիարքի ներկայացրած դիմումից պարզ է դառնում, որ 1909 թ. Ադանայի կոտորածները հրահրողները նորից են հայտնվել այդ վիլայեթում, հաճախելի հանդիպում են վալիին, բորթոքում են կոթերը: Միաժամանակ նշվում էր, որ իշխանությունները փութեռանդորեն հայերից բոլոր զենքերը հավաքում են, մինչդեռ նրանց հակառակորդները բացահայտ զինվում են: Որպես պատասխան՝ մեծ վեզիրը խոստացավ կարգավորել իրադրությունը, բայց, ինչպես միշտ, այս անգամ էլ խոստումներից այն կողմ չանցավ⁴⁴: Խոսելով Թուրքիայում բնակվող հայերի վիճակի մասին, Նյու Յորքի «Կոչնակ» շաբաթաթերթը նշել է. «Եթե հաշվեցուցակը պատրաստվի այն ամեն դարերուն, ձգձգված բարեկարգությանց, անարդարանալի ոտնձգությանց, անիրատու սեղմումներուն, զմեզ կազմալուծեցու համար նյութած դավերուն, մեզի դեմ գործված և անպատիժ թողված բյուրավոր ոճիրներուն, որոնց համը ճաշակեցանք վերջին մեկ քանի տարիներուն մեջ՝ այն ատեն պիտի ստիպվինք ըսելու թե Համիտի անկումը և Թուրքիոյ Մահմադրությունը մեզ արդարև շատ քիչ նպաստավորեցին»⁴⁵:

Պատրիարք Արշարունու հավաստիացմամբ՝ տեղի զինված իրավիճակը սպառնում էր հայկական տարրի գոյությանը օսմանյան Թուրքիայում⁴⁶:

Նոր և հանդ կոտորածների անմիջական վտանգը նկատելի և շոշափելի դարձավ արդեն 1914 թ. բեկբներին, այն էլ այն աստիճան, որ Գիլսը լիք կառավարությանը հաղորդում էր. «Յանկայի կլիներ մեծակառն միջոցներով խափանել կոտորածը, որը ձեռնտու է միայն մեր հակառակորդներին»⁴⁷: Այսպիսին էր կիլիկիահայության վիճակը Առաջին համաշխարհային պատերազմի, դաժան փորձությունների, XX դարում իրականացված առաջին ցեղասպանության նախօրեին:

⁴⁴ Будущее устройство Армении, третья оранжевая книга, Петроград, 1915, с. 20—21.

⁴⁵ Կոչնակ, 10. II. 1912.

⁴⁶ Будущее устройство Армении, с. 22.

⁴⁷ Геноцид армян..., с. 267.

КИЛИКИЙСКИЕ АРМЯНЕ НАКАНУНЕ ГЕНОЦИДА

Р. Г. ГАСПАРЯН

Резюме

Придя к власти и преследуя пантюркистские цели, младотурки продолжили политику притеснения армян. Начался новый этап насилий и бесчинств, этап призыва к очевидной резне армян. Широкий масштаб получают экономические, культурные, социальные, политические и религиозные гонения.

Согласно документам АВПР, уже в 1912—1913 гг. Турция была готова к резне. Отсутствовал только приказ со стороны властей. Все это относилось и к Киликии. В этих условиях среди киликийских армян вновь активизировалось национально-освободительное движение, цель которого —самозащитой противостоять политике истребления. Пример киликийских армян еще и еще раз доказывает, что геноцид армян был заранее запланирован и подготовлен с особой тщательностью со стороны партии младотурок и османского правительства.